

The Bujagali Hydropower Project

(BHPP): <http://www.bujagali-energy.com>

n'einsudiro

ly'amasaanhalaze agagheza megawatt 250 eriri kuzimbibwa aba Bujagali Energy Limited ku mwiga Kiyira, okumpi n'ekibuga Idhindha, mu Uganda. Omulimo guno gusasulirwa Industrial Promotions Services (Kenya) Limited n'aba SG Bujagali Holdings Ltd, nga bano bakolagana n'ekitongole kya Sithe Global Power, LLC, abaanibwa mu USA.

Omulimo ghe gwali gutuuse nga 31 Mulyaiva 2011

Omulimo Gwatandiika nga: 26 Namwendwa 2007

Eisundiro lya kutongozebwa: Mu katundu ak'okuna ak'omwaka 2011

Ebyankakolebwaku:

- **Eby'ekikugu:** Ebitundu 99.5 ku 100 oba 99.5%.
- **Okugula ebikozesebwa:** Ebitundu 98 ku 100 oba 98%.
- **Okuzimba:** Ebitundu 95 ku 100 oba 95%.



OKUTUUKIRIZA ENTEGEKA EDHIGEMA KU MBEERA Y'ABANTU N'OBUTONDE (SEAPs)

Okutuukiriza ebintu eby'asengekebwa mu ntegeka edhigema ku mbeera y'abantu n'obutonde kwagya mu maiso mu katundu ak'omwaka 2011 akasooka. (okuva mu Nampira okutuuka mu Mulyaiva). Aba BEL bakoze omulimo gwa maani ku kuzimba eisundiro ly'amasaanhalaze agegheza megawatt 250.

Emirimo emikulu egikoleibwa mu kiseera kino mwalimu okumaliriza okuzimba emidumo gy'amaadhi mu byalo ebikoseibwa pologyekiti, okulongoosa enguudo edho mu byalo, eby'obulamu, pulogulaamu ya siriimu,

eby'obughangwa, n'entegeka ey'okutangira eby'obulambuuzi n'ebindi kamaala.

Amakobo gano galimu enkulankulana ebairwo mu mbeera n'enkolagana n'abataka n'emirimo egy'okukuuma obutonde okuva mu mwezi gwa Nampira okutuuka mu Mulyaiva 2011.

Amakobo gano galiwo mu Luganda ni mu Luzungu.

Nhumirwa okugasoma

Gaaghandiikibwa mu Namubonge 2011

Obweyamo bwa BEL

BEL yeyama okulongoosa ebintu ebikozesebwa abantu nga omwo n'omuli okulongoosa ensansaania y'amaadhi, eby'endhegeresa, eby'obulamu n'okughanirira eby'enkulankulana, nga bino n'ebindi kwebyo ebiri mu pulogulaamu ey'okukulankulania ebyalo (CDAP).

BEL eri n'enkola edhiziyiza okukosa ebifo omuba ebisolo n'ebiwuka, amaadhi ag'omwitaka ni kwitaka, eby'enhandha, eby'okuvuba n'ebyo ebisuubirwa okugwawo nga tibiraze, okugeza nga ensonga y'abantu ebeeyuwa mu kifo ghe bali kuzimba eisundiro ly'amasaanhalaze nga banoonia emirimo, ebivuka ebireeta

endwaire, n'eb'obulambuuzi, nga bino biri mu pulogulaamu ey'okulondoola n'okukuuma obutonde (EMMP).

Eby'endhegeresa

Ghaaliwo okukubagania ebidhuubo ku ngeri ey'okwongera okuyambaku amasomero agali ku nsalo ey'omwiga ebuvandhuba. Obuyambi obwasalibwawo bwidha kubaamu okugaba ebityamo, ni meeza, ebitabo eby'okusoma n'okulongoosaku ebintu ebindi ebikozesebwa mu isomero.

Pulogulaamu ey'okuyamba abali obubi

Omulimo omukulu mu kiseera kino gwali gwa kufuuyira nfunza, bisiriyi, biku, mpube, enkukuni, n'ensiri (edhireeta omusuudha) mu maka 350 agali obubi mu byalo ebikoseibwa pologyekiti. Omulimo guno gwakolebwa ghagati ghenaku edh'omwezi 9 na 26, mu mwezi gwa Mulyaiva, 2011



Okufuuyira mu ndhu eyali obubi e Naminya

Amaadhi

Okuzimba emidumo egy'amaadhi kuli kumpi kuwa kuba ku kilometer 37 edhisuubirwa, ndala yonka n'esigaire okuzimbibwa. Emirimo egisinga egisigaire gya kukola ku bufuleedhe mu maka okumaririza eisundiro lya maadhi n'okugeza amaani

aganaatambuza amaadhi. Emirimo egigema ku maadhi gisuubirwa okuwa nga 19 Namubonge, 2011.

Okukulankulania ebya matano

Okwewola n'okuwola empiiya

Abantu abagera 402 okuva mu byalo ebikoseibwa pologyekiti bankafuna empiiya edhigera obukaire bwa Uganda 263, nga kubuno kuliku obukaire 51 obwava mu kwiza amagoba. Okuwola empiiya n'okulondoola ensambo ye bali kudhikozesamu kwidha kugya mu maiso okutuuka ghagati gho mwaka 2012.

Eby'obulimi

Pulogulaamu eye by'obulimi yawa mu kitundu eky'okuna mu mwaka 2010, era okulondoola engeri pulogulaamu gye gasiisa abantu kuli kukolebwa buli luvainhuma lwe kiseera ekigere, nga bakozeza enkola ey'okunoonereza ku mbeera n'enfuna y'abantu. Okunoonereza okwankakolebwa kulaga kuti enfuna y'abantu abaakosebwa pologyekiti ate abanganhulwa mu pulogulaamu yeyongeire okulongooka.

Eby'obulamu mu byalo ni Pulogulaamu ya Siriimu

Okugabira buli muntu obulezi obutangira enkaka n'amalole kwatandiika mu katundu ak'omwaka kano era kwidha kuwa mu mainhama ga Namubonge 2011 Okugaba obulezi kuno kuli kukolebwa ghalala ni yafeesi edhitwala eby'obulamu mu disitulikiti eye Idhindha ni Buikwe, okwo ogaiteku n'ebikunsu ebye by'obulamu mu byalo.



Ebikunsu ebye by'obulamu mu byalo nga batendekebwa mu ngeri ey'okugaba mu obulezi obughonia enkaka n'amalole

Ebikunsu bye by'obulamu mu byalo bigiire mu maiso n'okukubiriza eby'obulamu n'engeri edh'okutangira siriimu. Baagaba amakondomu, obulezi obuziyiza omusuudha, n'okukubiriza abataka okwenhigira mu misomo egigema ku by'obulamu. Okwekeneenia embalirira ey'okwidhabiriza Budondo Health Centre IV kwawa. Ey'agheebwa kontulakita yamala okughandiika embaluwa ekakasa eti agya kwidhaabiriza eirwaliro. Mu mirimo egigya okukolebwa n'omuli okutereeza abalwaire ghebatuukira n'ekisenge omuba bebaghaire ebitanda, okuzimba ekisenge kya baibo ne nhumba edh'abasawo, n'okutereeza emidumo n'obufuleedhe obw'amaadhi. Bino nga biwoire, eirwaliro liidha kuteebwamu obulezi okusinzirira ku ndagiriro y'ekitongole ekye by'obulamu. Okwidhaabiriza eirwaliro kusuubirwa okutandiika mu kitundu eky'okubiri mu mwaka 2011.

Ebifo ebikolerwamu eby'obusuubuzi

Eby'obusuubuzi bigya mu maiso bukalamu mu katale akaazimbibwa mu Igoloza lye Wakisi, ate akatale ak'eBudondo kasuubirwa okwinhama

oluvainhuma lwa kakiiko akavunaanibwa okulonda omuntu an'akakulira akatale ako. Akatale ak'eWakisi kayambye ebyalo ebikalinaine kuba ebintu bye beetaaga babyagaana kumpi, ekikendeezaaku empiiya edhisansaanibwa ku ntambula.

Okutendeka abaisuku mu mirimo egy'emikono

Abaisuka 34 kwabo BEL beesasulira empiiya edh'okusoma baamala okutendekibwa mu katundu kano ak'omwaka guno. Abaisuka 23 bakaatendekibwa ku Nile Vocational Institute, era basuubirwa okumala okusoma ku nkomerero y'akatundu ak'omwaka 2011 ak'okusatu. Baidha kutiikirwa ghalala n'abasomi abandi mu Namutyabuko 2011. Ebitundu 48 ku 100 kwabo abaatendekibwa baamala okufuna emirimo.

Akatale

Okulondoola enkozesa y'akatale oluvainhuma lwo kukagemya ab'obuvunaanizibwa kulaga kuti abantu tibaidhumbiire kukozeza katale. Abakulembeze ab'omukitundu bali kusala mpenda edhinaasikirizaa abantu okukozese akatale, kasobole okututumuka.

Okutendeka Ab'ekyalo (CBT)

BEL esuubira okutendeka abataka abali mu byalo ebikoseibwa pologyekiti mu mirimo egy'emikono okugeza nga okubaadha, okukuba amatofaali, okusiba enviiri, enima enkalamu n'ebindi kamala. Okwekeneenia abasaba okutendeka kwawa era Nile Vocational Institute n'eyalondebwa okutendeka abataka. Okutendeka kwidha

kwinhama mu katundu ak'omwaka 2011 ak'okubiri.

Eby'obulambuuzi

Mu katundu kano ak'omwaka BEL yaghaniriraku eby'obulambuuzi ebindi. Yayambaku Adrift Adventure okugula eryato nga lya yingini n'erindi ery'okwevugiramu mu maserengeta g'omwiga okuva ku Isundiro ly'amasaanhalaze. Okusimba emiti ku bizinga kwona kwagya mu maiso. Okuva nga 28 Namusebuko, 2011, aba EPC Contractor Salini baatandiika okukola entegeka edh'okukyusa enkulukuta y'amaadhi. Ebitongole ebizaanisa obwato ku maadhi by'asengulwa byona byaira mu bifo biyaaka mu maserengeta g'omwiga oguli kuzimbibwaku Bujagali daamu.



Owa kakiiko akakola ku mbeera y'obutonde nga ali kulaga omuti ogwa simbiba ku bizinga

Okubunia amasaanhalaze mu byalo

BEL ni UMEME bakaateesa ku ngeri ey'okubuniamu amasaanhalaze mu byalo. Okubunisa amasaanhalaze kwidha kwinhamira Naminya Resettlement male ebyalo ebindi eby'akosebwa biireku. Okubunia amasaanhalaze kusuubirwa okwinhama mu katundu ak'okubiri ak'omwaka 2011.

Okwebuuzi ku bantu n'okubamanisaaku ebiyaaka kwalimu bino:

Enkiiko

BEL egya mu maiso n'okuteesa n'abo boonaboona bekigemaku, n'okukola ku kwemulugunia okubairewo mu kimega kya pologyekiti eno. Ghaaliwo enkiiko n'abataka abava mu byalo 9 ebikoseibwa pologyekiti, okubakoberaku ebiyaaka ku kuzimba eisundiro, ni pulogulaamu ey'okukulankulania ebyalo ghetuuse. Eisira mu nkiiko lyali ku alipoota egema ku kubwatusa amabaale n'okwemulugunia ku bukosefu obuva mu kubwatusa amabaale, okusansania amaadhi ag'emidumo, obufuleedhe obwa ghalala, okukugira abavubi obutatuuka ku mwigwa n'okwinhama kwa pulogulaamu edhaayemerezebwa, okugeza nga okutendeka abataka n'okubunia amasaanhalaze.

Ghaaliwo olukiiko n'abavubi okuteesa ku nsonga y'okubakugira obutatuuka ku mwigwa. Kyazuulibwa kiti abavubi baali tibategeire ndagirira yateebwa mu maserengeta g'omwiga. Baakitegeera bati endagirira yali eri kubakugira kukozeza kifo ekyo, ekitaali kituufu.

Ghaaliwo okwebuuzi ku banaidiini abali mu byalo ebikoseibwa pologyekiti ku ngeri ey'okwidhukirangamu abo abafa ni baziikibwa ku bizinga. Omukolo guno gutegekeibwa kubaawo nga 28 Namubonge 2011. Ekiseera eky'okwebuuzi ku bakulembeze kyakyusibwa okuva ku buli Wiiki okwira ku buli mwezi kuba emirimo gigiire nga gifundaghala mu byalo.

Entegeka ey'okulabirira abakozi (LFMP)

Ghaliwo enkolagana n'atwala abakozi mu Salini okusobola okukola ku nsonga abakozi dhe baseegha mu BEL, n'okubona nga Salini egiira ku ntegeka ey'okulabirira abakozi (LFMP). Okwemulugunia okusinga kwali ku butaliyira oba okuseera abaafuna obubendhe. Aye bwona, tighaali baafuna bubendhe bwa maani mu katundu kano ak'omwaka.

Ghaaliwo olukiiko lwa Waterline Contractor – Sumadhura n'abakulembeze be kyalo okwisania ku kupangisa ebibangirizi eby'okusima mu eitaka n'okuziikira ebiina ebiba bisimiibwa. Kyasalibwawo kiti abakulembeze be kyalo baidha kuyambaku okufuna ebibangirizi bino mu byalo byaibwe.

Eby'obughangwa

Okuzimba amasabo kwatandiika era kwankakolebwaku ebitundu 95 ku 100 oba 95%. Ghaaliwo olukiiko n'obwaKyabazinga bwa Busoga okwekeneenia okuzimba ghe kutuuse n'okutegeka omukolo ogw'okuwa emisambwa okulya mu Namatu 2011.

Obutonde, Eby'obulamu n'okwekuuma

Okusimba emiti ku nsalo edh'omwiga

Pulogulaamu edh'okusimba emiti n'okutangira mukoka dhaawa. NEMA nga egemagana ni beene itaka n'eri kulabirira emiti egy'asimbibwa.



Ghaigulu, emiti BEL geyasimba mu ntegeka ey'okusimbaemiti ku nsalo edh'omwiga

Okulondoola Obutonde

Okulondoola obutonde ku bizinga ebiri mu mambuka g'omwiga kwagya mu maiso mu katundu kano ak'omwaka. Lipoota eyoleka ebyavaamu yaghebwayo mu mainhama ga Mulyaiva 2011

Okulondoola ku bizinga ni ku nsalo edh'omwiga mu kiketezo kya Bujagali eky'okumbali kugya mu maiso okusobola okulengera n'okutangira ebyo ebisobola okukosa obutonde nga biva ku biginzi oba ensito.

Enkuuma y'ebikyafu

Ebikyafu eby'obulabe n'ebitali bya bulabe byagya nga byeyongera okuva ghe bali kuzimba eisundiro ly'amasaanhalaze ni kumbali. Ebikyafu eby'obulabe okugeza nga oiro n'ebibaatule bisolozebwa ebitongole eby'aghebwa olukusa okuva mu NEMA. Ebikyafu ebitali bya bulabe bitwalibwa mu kiina eky'ebikyafu e Idhindha. Ebyuma ebikutwike kutwike biizibwayo mu Ikolero ate ebibaawo bye basazeeku bigabirwa abo abakoseibwa pologyekiti babifumbise.

Abageni

Ekikunsu kya bakenkufu mu mbeera dh'abantu n'obutonde

baakyala ghe bali kuzimba eisundiro ly'amasaanhalaze okulondoola n'okughabula ku biri kukolebwa.

Ekikunsu okuva mu kibiina eky'omukago ekilondoola enkyukakyuka y'obutonde (Uganda Association of Impact Assessment) nga muno mwalimu NEMA, Wildlife Conservation Society, ERA, UWA, MAALF, MEMD, n'eky'obulambuuzi, kyakyala ghe bali kuzimba eisundiro lya masaanhalaze.

Nga 2 Namusebuko 2011, Pulezidenti Yoweri Kaguta Museveni y'akyalira



Akulira pologyekiti nga ali kulambuuzi Pulezidenti Yoweri Museveni Bujagali Pologyekiti.

Abakulembeze ba Buikwe disitulikiti abebuuzibwaku n'abe by'obufuzi nga baakulemberwamu CAO n'oweikonero lya disitulikiti baakyala ghebali kuzimba daamu okubona okuzimba ghe kutuuse n'okwetegerezaaku ensonga y'embeera dh'abantu n'obutonde bwe dhemereire.

Ekikunsu okuva mu FMO, nga bano boona basasuliraku omulimo guno ogw'okuzimba daamu baakyala ku daamu. Ekikunsu ekindi okuva mu matendekero ag'eby'emikono amakulu mu Kenya ne Kampala kyona kyakyala ghe bali kuzimba daamu.

Tusuubira tuti amakobo gano
gaakumanisa bingi ebigema ku
Bujagali Hydro Power Project,
embeera y'abantu n'okukuuma
obutonde.
Katulinde agali kwiraku.

**Gaaghandiikibwa Bakozi ba
BEL**